

Shéél/Schulapal (Ballot) Ffil
Kka Re Kke Amalláátá
(proposed)
Siiwel Kka Llól Allégh
Lapalappal Commonwealth Ye
Aa Mallátá
Nobembre 4, 1995

Ghommwal Siiwel #1
Bwungul Aramas

Au mwuschel reel siiwel kka schóól 1995 CON CON re bwungúw fengelli reel Allégh Lapalappal Commonwealth?

Rebwe siiweli allégh ye Autol I: Bwungul Aramas reel rebwe aghatchúló amalamaloor Sów-móówul ye elo llól (Táilil 7); ebwe affataaló amalamalul limmifischil bwulei me ressóbw semwááy aramas reel (Táilil 9); ebwe sóbwosóbwoló amalamaloor aramas wóóy falúw igha eláál bwetchewow mereel ilal mwette-ngeli igha aa tufeiló (Táilil 11); me rebwele atowowu faschúl Táilil 11 iwe (Ellil Mil-alléew) me Táilil 12 reel (Liil Malaghól).

Awer

Ehe

Aruwowwal Siiwel #2
Sów-bwung

Au mwuschel reel siiwel kka schóól 1995 CON CON re bwungúw fengelli reel Allégh Lapalappal Commonwealth?

Rebwe siiweli allégh ye Autol II: Sów-bwung bwe ebwe ghissighissitiw akkáschái schóól Sów-bwung llól limw Wóól (Táilil 2) me limw Faal (Táilil 3); nge re ngallei mamaawal aruschayil Gobietno bwe ii mille ebwe apayúló filil mellól limw Wóól (Táilil 2); ayoora Sów-bwung mellól alongal sóóbw (at-large) nge ebwe sóbwosóbwotá tetminoor Sów-bwung bwe ebwele faawu (4) ráágh (Táilil 3); ayoora allégh ye Sów-bwung limw Wóól me Fáál rebwe yéélegh fengel reel alongal masamasal aweeweel selaapi me abwóos tax kka rebwe ayoora, nge rebwe féeri fengelli tingórol alléghúl selaapi (appropriation) bwe ebwe ghawu ngeli abwóssul maghuttughuttul bwulasiyol limw Wóól me limw Fáál, me rebwe ayoora ruwoow (2) aregheregh reel tingórol allégh kkaal igha rebwele bwungiw fengelli, me ebwe ruuráál le aar aweewei ghommwal aregheregh me aruwowwal aregheregh (Táilil 5); Rebwe ayúwló Sów-bwung le fféer allégh kka malal sóóbw (fasúl Táilil 6); Ebwe lo llól allégh bwe Gobietno ebwe ngalleer Sów-bwung reel tingórol allégh ye e asefááli bwe ese-tipeli (vetoed) llól limirááll (efféelong Táilil 6); ebwe yoor allégh ye ngere eyoor Sów-bwung ye e tiwlo nge rebwe kkeyil siwili (Táilil 8); ebwe mescheregh reel rebwe atowowu Sów-bwung ye e nngaau féfféerúl me ngere eyoor Sów-bwung ye ese atabwey allégh lapalappal Commonwealth nge rebwe ammweliiló (Táilil 13); rebwe ayoora allégh reel lapal aighúghúl selaapil Sów-bwung reel meeta rebwe améeu reel ghatchúúr aramas, ebwe bwal lappaló selaapi reel téetáál akkaméél meeta, me rebwe ayúwuló yááyáál selaapi reel politika me auta bworosaar reel selaapil towap (Táilil 15); sóbweiló aar angaang schóól Legislative Bureau me rebwe afelli ghatchúw bwe ebwe ii schagh-ló (independent) nge esóór Sów-bwung ye ebwe bwal kke atitilong llól bwe ebwe féeri meeta tippal. Esóbw bwal yoor politikka llól bwulasiyo yeel (Táilil 16); aa yoor maas siiwel ye ebwe ffil me Autol II; me e ayoora sóbwosóbwol me aweeweel ghatchúl siiwel.

Awer

Ehe

Alluwal Siiwel #3
Sów-lemelem (Atministrasion)

Au mwuschel reel siiwel kka schóól 1995 CON CON re bwungúw fengelli reel Allégh Lapalappal Commonwealth?

Rebwe siiweli allégh ye Autol III: Sów-lemelem reel ngere e ghal yoor meeta bwe leliyal Gobietno ngere aruschayil Gobietno e ghal susuló reel ngere eyoor máa me ngere e úúló schagh (Tálil 7); Rebwe affataló ebwe ló iya selaapi (budget) ngere esóór tingórol alléghil selaapi igha ebwele bweletá ráágh fféé angaangal selaapi (Tálil 9); rebwe ayoora allégh bwe Gobietno ebwe ló schulong llól aar aschuuschu Sów-bwung limw Wóól me Faal fáál eew llól ráágh (Tálil 9); nge ebwe arongóór Sów-bwung llól eliigh ráál reel meeta we e ayoora alléghil ghitippotch (Tálil 10); Siiweliiló Sów-sesselil Sów-lemelem me ayoora mille rebwe ammweliló Sów-sesselil Sów-lemelem ngere yoor mil alléew e féeri (Tálil 11); Affataaló aal angaang Sów-bwungul Selapiyal Towlap me rebwe asiwló aal tingórol alléghúl selaapi (Tálil 12); rebwe mweitingeli affelil samwolul fitow ráál (Acting) nge esóbw bwal ghi láálááy (Tálil 12 me 14); re ayoora allégh bwe Samwolul Bwulasiyol Falawasch ebwe aghulei ngeli alongal meeta eghal féeri llól eew ráágh schulaper Sów-alillisil Sów-lemelemil Bwulasiyol Aramasal Falúw (Indigenous) me asiwló allégh tingórol abwóssul (Tálil 18); ayoora allégh bwe Sów-bwung rebwe asseling mwo mengemengiir board-dul Retirement igha re mengi bwe rebwe siwili alléghúl Retirement me rebwe mweitingeli reel selaapi kka rebwe alailaiyú ye aa lapsengi selaapil retirement nge raa bwungúw fengelli bwe eyoor selaapi yeel (e fféelong Tálil 19); rebwe ayoora eew yéélééghúl Sów-alillis ngeliir Repaghúlúwosch me Remaraalis (efféelong Tálil 20); asiwló allégh we fáál fitoow aschay aramas emmwel ebwe membrol board/Komision (Tálil 21); asiwló Bwulasiyol Schóóbwtut (Tálil 22); me Sów-alillissil Aramasal Falúw (Tálil 23); aa yoor maas siiwel ye ebwe ffil me Autol III; me e ayoora sóbwosóbwol me aweeweel ghatchúl siiwel.

Awer



Ehe



Afawuwal Siiwel # 4
Sów-awelewel

Au mwuschel reel siiwel kka schóól 1995 CON CON re bwungúw fengelli reel Allégh Lapalappal Commonwealth?

Ebwe siiwel allégh ye Autol IV: Sów-awelewel ngere ebwe ayoora allégh reel imwal alellet llól Commonwealth; siiweli alléghúl lááláyul aal angaang, bwungul me alléghúl rebwe afeli sefááli schóól llól imwal aweewe; alléghúw mwóghutughutul schulapper reepi rebwe tepengi allégh; schóókka re angaang llól imwal aweewe ngere re mengi rebwe toolong llól pulitika nge rebwe towoow mellól jaar angaang oloow (6) maram sáangi igha ebwele toori eleksion; ayoora bwe Sów-awelewel ebwe atootolong arongorong alongal ráágh; siiweli mwóghutughutul selaapil imwal aweewe, yaal allégh lapalap, me umwumwuur sów-awelewel me akkew falúw ngere re weires; kkeeyil umwuumw schóól angaang ngere aa yoor angaang ye e suusu; ayoora allégh lapalap iye ebwe alillis reel mwóghutughut kka ese ffil me lepater schóól angaang llól bwulasiyol gubetno me akkew bwulasiyo; ayoora mil

fféetá me siiwel ye pungupung ngáli; me rebwe ayoora mille ebwe sóbwosóbwoló, me maas siiwel ye ebwe ffil me Autol IV; me ayoora sóbwosóbwol me aweeweel ghatchúl siiwel.

Awer

Ehe

Alimowal Siiwel #5
Sów-bwung Me Amerika

Au mwuschel reel siiwel kka schóól 1995 CON CON re bwungúw fengelli reel Allégh Lapalappal Commonwealth?

Ebwe siiwel allégh ye Autol V: Sów-arong me Amerika ebwe aweewey ngéli schóól Sów-bwung me Amerika reel meeta alilis ye ebwe mwette-ngeli Commonwealth; me ebwe yoor Sów-bwung mellól Commonwealth iye ebwe mmwel ebwe fiti mwiischil Sów-bwung me Amerika; ebwe yoor liwel lapalap ngere tungór yeel e fis; siiweli alongal allégh sáangi Sów-bwung me Amerika.

Awer

Ehe

Auloowal Siiwel #6
Al Angaang Samwolul Sóóbw

Au mwuschel reel siiwel kka schóól 1995 CON CON re bwungúw fengelli reel Allégh Lapalappal Commonwealth?

Ebwe siiwel allégh ye Autol VI: Samwolul-Sóóbw e siwel bwangbwangil me abwósul Samwolul-Sóóbw (Táílil 2); atómwoghóóló yaal allégh lapalap Samwolul-Sóóbw reel mwóghutughutul llól sóóbw (Táílil 3); Ayoora Samwolur schóól isla kka afeng ye ebwe lo faal Samwolul-Sóóbw me Seipél, nge rebwe atowowu iit we Samwolul-Sóóbw me falúw kka afféng (Táílil 1 me 3); ebwe tumwóghóló llapper schóól alléghúl me aweewel sóóbw bwe rebwe atootolong llól angaang kka eyoor sáangi apilúghúlúghúl me óbwós reel schóól alléghúl sóóbw (Táílil 3); ngalley schóól alleghúl sóóbw bwe rebwe ayoora allégh lapalap reel mwóghutughutul llól sóóbw, alléghúwló allégh kka Samwolul-Sóóbw e ghal asefelil bwe ese metaf llól, alléghúw schóókka re ghal umwur llól angaang, ebwe sássár saiaapi kka e tottolong sáangir towap me yoor allégh reel mwóghutughut salaapi; me aghitighitátiw llapper aramas kka re angaang ngáli Sómwolul-Sóóbw (Táílil 5); rebwe fischeli abwóssur schóól angaangil sóóbw mellól selappil Commonwealth; nge alongal alléghúl schóól angang mellól Commonwealth ebwe weewe ngeli schóól angaangil sóóbw, rebwe fischeli tingórol alléghúl selaapil sóóbw llól ráágh kka 1996, 1997 me 1998 nge rebwe maas fischeli selaapil sóóbw bwe ebwe weewe me selaapi ye e toolong mereer schóól abwóós meeta llól sóóbw (Táílil 7); me rebwe ayoora mille ebwe sóbwosóbwoló, ayoor maas siiwel ye ebwe ffil me Autol VI; me e ayoora sóbwosóbwol me aweeweel ghatchúl siiwel.

Awer

Ehe

Afisuwal Siiwel #7
Mmwelil Affil Me Akkamwaschúl Sów-lemelem

Au mwuschel reel siiwel kka schóól 1995 CON CON re bwungúw fengelli reel Allégh Lapalappal Commonwealth?

E bwe siiwel allégh ye Autol VII: Mmwelil Affil Me Akkamwaschúl Sów-lemelem nge rebwe a-toottowow allégh ye e lo llól Tálil 3 reel aramas kka re tooto me yeew bwuley nge raa bwungi yaar llo falley, ebwe isislong yeew allégh llól Tálil 3, bwe inaamwo iyo ye schóól lemelem ye re schuungi bwe ese atabwey allégh lapalap nge esóbw schiwel schóól lemelem ngere Sów-bwung bwe aa lo nngawal fféfféérúl tiiló mway-láálááyúl ráál, me rebwe ayoora mille ebwe sóbwosóbwoló, aa yoor maas siiwel ye ebwe ffil me allégh ffé.

Awer

Ehe

Awaluwal Waluwal Siiwel #8
Ffilil Schóól Lemelem

Au mwuschel reel siiwel kka schóól 1995 CON CON re bwungúw fengelli reel Allégh Lapalappal Commonwealth?

E bwe siiwel allégh ye Autol VIII: Ffilil Schóól Lemelem nge ebwe atootowow Autol 3 reel alléghúl ffilil Schóól Lemelemil Lapalap iye a alleghló reer schóól Sów-bwung, me ebwe siiwel numerool tálil allégh.

Awer

Ehe

Atiwowwal Siiwel #9
Schulappal Aweeweel Allégh, Bwungulóól Schulappal Aweeweel Allégh me
Assefálil Pitisun reel Schulappal Aweeweel Allégh

Au mwuschel reel siiwel kka schóól 1995 CON CON re bwungúw fengelli reel Allégh Lapalappal Commonwealth?

Rebwe siiweli allégh ye Autol IX: Schulappal Aweeweel Allégh, Bwungulóól Schulappal Allégh me Sesselil Schulappal Aweeweel Allégh reel lappal aramas kka rebwe fitmai pitisun we. Ighiwe nge fáyegh ilet llól ebweghiw (40%) nge ighila nge ebwele ruweeigh ilet llól ebweghiw (20%) reel schóókka re kke afeliir (Tálil 3); siiweli lappal schóókka rebwe bwungiw fengelli assefálil pitisun ngere eyoor meeta rugh llól reel fasúl (2/3) reel schóókka re kke afeliir me rebwe ayoora mille ebwe ffil me siiwel kka llól Autol IX; me e ayoora siiwel ye eyoor aweewe ghatch me reepi.

Awer

Ehe

Asseeighúl Siiwel #10
Abwóós me Selaapil Lemelem

Au mwuschel reel siiwel kka schóól 1995 CON CON re bwungúw fengelli reel Allégh Lapalappal Commonwealth?

Rebwe siiweli allégh ye Autol X: Abwóós me Selaapil Lemelem bwe ebwe sóbweilong bwe aweeweel "Alillissil Towlap" (Táilil 1); Aúwló arongorongol, Abwóós we (Táilil 2); atolongei afischifischil Liwelil (debt) towlap bwe emmwel schagh resóbw mwuschel rebwe ayoora bwe ebwe abwóóssuló alongal liwelil gobietno (efféelong Táilil 3); siiweliiló lappal schóól affil (numerool bwotadood) reel rebwe aweewei alléghúl abwóóssul (Tax) falúwómw (propedaad) (efféelong Táilil 4); rebwe ayúwló umwumwuul schóól angaang me sesserel abwóós ngere eyoor deficit - sibwe ira bwe gastool gobietno aa luusengi selaapi ye Sów-bwung (kongressio) re ayoora nge schóól schagh espitóód me pulisiya mille emmwel rebwe umwur llól angaang. Rese bwal toolong llól tingóórol allégh yeel (efféelong Táilil 5); mweiti sengiir Sów-bwung reel rebwe mmwelil aschu mengemengiir bwe rebwe ayoora eew ppol ye emmwel rebwe aluwló alléghúl angaang yeel (efféelong Táilil 6); Rebwe ayoora bwe ngere schagh eyoor fféer nngaawal Sów-alillissil Selaapiil Towlap mille emmwel rebwe ammweliiló (efféelong Táilil 7); rebwe ayoora allégh bwe selaapi kka re bwughi mereer bwe malal schagh abwóós (efféelong Táilil 8); sóbweiló aar schóól abwóós kotti bwe ebwe toolong alongal yááyáál selaapil towlap ye ffeirei allégh lapalappal Commonwealth (Táilil 9); féeri mille ebwe wolopeggh fengel me Autol X, me ayoora mille emmwel rebwe ghulei.

Awer



Ehe



Seeigh me Eew Siiwel #11
Falúwwer Towlap

Au mwuschel reel siiwel kka schóól 1995 CON CON re bwungúw fengelli reel Allégh Lapalappal Commonwealth?

Rebwe siiweli allégh ye Autol XI: Falúwwer Towlap ye rebwe siiweli ittal bwe ebwe Falúwwal Commonwealth; ayoráátá Marianas Land Bureau (MLB) bwe ebwe amwúschú falúwwal Commonwealth kkaal; rebwe bwungúw fengelli reel bwungúl (kkualifikkasional) Samwolul (MLB); rebwe ayoora allégh reel meeta aal angaang me ebwe ghal ayoora alongal ráagh arongorong reel meeta re ghal féeri (Táilil 4); ayoora allégh ye ebwe sóbweiló falúwwer towlap me imwer, ayoora atol ileetá ebwe takkaló siiwelil falúw, ebwe yoor arongorongol towlap reel atkilaal falúw reer schóól bisnis nge rebwe fischeli bwe ebwe eluuw ráagh schagh, ngere ese takk llól eluuw ráagh nge ebwe ayoora allégh bwe Sów-bwung rebwe bwungúw fengelli llól oleigh ráál reel ngere rebwe angúngúw ngere saabw nge esóbw yoor siiwel, rebwe ayoora planool yááyáál falúw, me alongal ráagh, nge rebwe ayoora tingórol alléghúl selaapi (Táilil 5); rebwe ayoora falúw kka raa ffililó apeigh bwe rebwe yááyáá ngeli towlap nge ebwe toowow bwungil mereel Bureau ye emmwel ebwe féeri ngeli falúwwal towlap kkaal (Táilil 6); ngallei aal angaang Sów-alillissil Falúwal Towlap reel ebwe amwuri tiliighil (titulul) falúw (Táilil 7); ebwe ayoora

allégh reel Marianas Public Land Trust, rebwe attetiwwa Láálááyil aar angaang (tetminoor) llól schulapper schóó alillisil Trustees selaapi, rebwe affataló iya toor, ebwe yoor allégh reel lappal selaapi ye rebwe alailayúl bwe ebwe yoor ganansia, ayoora reel rebwe yááyá ngeli ganasiyal selaapi bwe ebwe yoor mille ebwe mwet-ngeli Schulapeer Reepil Refaluwasch me Remaraalis (Tálil 8); bwal amwuri ghatchúl meeta ye ebwe ffil fengel alongal siiwel ye e weewe ngeli Autol XI, me rebwe ayoora mille ebwe sóbwosóbwoló aweeweel.

Awer

Ehe

**Seeigh me Ruwoow Siiwel #12
Aighúghúl Fangalóól Falúw**

Au mwuschel reel siiwel kka schóól 1995 CON CON re bwungúw fengelli reel Allégh Lapalappal Commonwealth?

Rebwe siiweli allégh ye Autol XII: Aighúghúl fangalóól falúw bwe ebwe mmwel fangalóól falúw reel ngere liffang ngere liffang ngeliir yáát me ngere liffang ngeli layúl loomw ye ese toori ruweigh me limoow ilet llól ebwughiw (25%) bwe ii Northern Marianas descent me ngere ngeli atte kka re mweitiir nge saabw Northern Marianas descent nge esáál ghoola mwo oloow rághil suughi mille emmwel ebwe bwal fanngeli falúw schóólimwal ye saabw Northern Marianas descent ye Sów-bwung re ayoora (Tálil 2); ayúwló ppol ye ebwe emmwel ebwe ayoora atkilong maas kki limeigh-me-limoow ráágh (Tálil 3); ayúwló bwe e weewe me aa toolong bwe ii aramasal Northern Marianas descent (Tálil 4); siiweliló alléghiiir schulapeer bisnis bwe esóbw ebwughiw ilet (100%) bwe ebwe limeigh-me-eew ilet llól ebwughiw (51%) nge ebwe aramasal Northern Marianas descent (Tálil 5); siiweliiló Sów-alillisil aramas “void - al initio” ngeli “voidable” ayoora ngeli kkoti reel ngere e ghal yoor fitigogo reel meeta rebwe féeri llól allégh yeel nge re bwal ngalleer oloow (6) ráágh reel ngere rebwe kkoti, me Sow-sesselil schóól lemelem bwe rebwe atabwei allégh kkaal (Tálil 6); me rebwe sóbweiló, ayoor maas siiwel ye ebwe ffil me Autol XII; me e ayoora siiwel ye eyoor aweewe ghatch me reepi.

Awer

Ehe

**Seeigh me Eluuw Siiwel #13
Meleitei**

Au mwuschel reel siiwel kka schóól 1995 CON CON re bwungúw fengelli reel Allégh Lapalappal Commonwealth?

Rebwe ayúwló allégh ye Autol XV: Meleitei, nge raa iselilong alléghúl reel Tálil 13 (Meleitei) ye elo Autol III: Sów-lemelem nge ewei schagh ighiwe re féeri me 1976 CON CON; ayúwló alléghil ammeleiteyil yáát ye ese abwóós (Tálil 13[a]); ayoora mille Gobietno ebwe afeli iyo ye ebwe toolong bwe Sekretariyaal Sów-lemelemil Meleitei bwe ii mille ebwe féeri angaangal Samwolul Imwal Meleitei (Tálil 13[b]); ayúwló llól alongal falúw me Commonwealth (Island wide) s chulapper sów-

lemelem l Imwal meleitei (Board) nge uwa siiweli ngeli board-dul llól alongal téél falúw llól Commonwealth (Senatorial district) nge rebwe abwááriló bwáángil membro me meeta rebwe féeri (Tálil 13[c]); ayúwló tingórol alléghúl selaapi reel imwal meleiteyil pupbliko me college; ayoora tingórol alléghúl selaapi alongal ráágh bwe ebwe mwetngeli ammeleiteiyil yáát (nge saabw selaapil atministrasion ngere CIP) rebwe ngallewow gakko reel ascháy me ascháy yáát (Tálil 13[d]); ayoora ngeliir meleiyil college me abwááriló ghatchúl (e bwal toolong Northern Marianas College) ye board e timonai fetelei (Tálil 13[e]); me ayoora sóbwosóbwol maas siiwel ye ebwe ffil me Autol XIII; me e ayoora sóbwosóbwol me aweeweel ghatchúl siiwel.

Awer

Ehe

**Seeigh me Faawuwal Siiwel #14
Falúwwer Towlap**

Au mwuschel reel siiwel kka schóól 1995 CON CON re bwungúw fengelli reel Allégh Lapalappal Commonwealth?

Rebwe siiweliló allégh ye Autol XIV: Falúwwer Towlap nge rebwe sóbweiló wóoy sáát me iya ayúghúghúl tool ye llól allégh lapalappal Commonwealth me alongal falúw (International) (Tálil 1); atolongei afellil faliwer towlap wóól falúw ngere faal falúwwer towlap (Tálil 4); ngalleer bwulasiyol Samwolul-Sóóbw (meya) limoow ilet llól ebwughiw (5%) reel royalties mereel lisensiyal gobietno reel falúwer towlap (Tálil 5); me ayoora bwal akkáw ammwel bwe ebwe ffil alongal meeta faal Autol XIV, me ebwe yoor aweewe ghatch me reepi.

Awer

Ehe

**Seeigh me Limoow #15
Gambling**

Au mwuschel reel siiwel kka schóól 1995 CON CON re bwungúw fengelli reel Allégh Lapalappal Commonwealth?

Rebwe atowowu allégh ye Autol XXI: Gambling nge raa ischilong llól alléghúl Autol XV: Gambling; Rebwe ayúwló casino gambling nge saabw reel bwulei kka eyoor tourist iye me senatorial district ye re ffil bwe rebwe ayoora iye, ayoor maas siiwel ye ebwe ffil me Autol XV; me e ayoora siiwel ye eyoor aweewe ghatch me reepi.

Awer

Ehe

Seeiġh me Oloow Siiwel #16
Schuur Lemelemel Angaang

Au mwuschel reel siiwel kka schóól 1995 CON CON re bwungúw fengelli reel Allégh Lapalappal Commonwealth?

Rebwe ayúwlo allégh ye Autol XVI: Schuur Lemelemel Angaang nge re isililong llól Tálil 16 (Alillisil Schóól Angaang) reel Autol III: Sów-lemelem eiefaisúl schagh bweletáál allégh lapalappal Commonwealth llól 1976, sibwe aweewei meeta ye schuur lemelemil angaang nge alonger schóól angangal llól gobetno nge ese toolong schóókka re afeliir, ngere schóól angaang kka re tooto mereel allégh lapalappal Commonwealth, ngere schóókka Sów-bwung re afeliir rebwe angaang reer (Tálil 16[a]); Aghisighisitiw ngere siwililó lappal aramas mellól schuur lemelemil angaang yeel, bwe ighiwe nge fisuw (7) nge re kke amalláátá bwe ebwele limmal (5) schagh nge rebwele lo llól limwoow ráágh, nge schóól schuulap yeel nge ese mmwel rebwe bwal yoor aar angaang mellól gobietno (Tálil 16[b]); ebwe ngallei schulap yeel mamaawal bwe ebwe féeri lapal abwóssur schóól angaang kka llól schuur lemelemil angaang nge emmwel ebwe langetá ngere sóssóltiw mereer mengemengiir Sów-bwung (Legislature) ye e lo llól (Tálil 16[c]); me rebwe sóbweiló.

Awer

Ehe

Seeiġh me Fisuuw Siiwel #17
Ppolul Schóól Angaang

Au mwuschel reel siiwel kka schóól 1995 CON CON re bwungúw fengelli reel Allégh Lapalappal Commonwealth?

Rebwe atowowu allégh ye Autol XVII: Ppolul Schóól Angaang nge raa atolongei llól Autol XVII: Ppol; ayoorra ppol kkaal llól allégh lapalappal Commonwealth bwe schóól Sów-lemelem llól bwulasiyol gobietno. Ebwe bwal siiwello ghommwal akkulé we Sów-bwung mille rebwe féeri ppol kkaal; me rebwe siiweli bwe emmwel ebwe toolong siiwel kkaal, ayoor maas siiwel ye ebwe ffil me Autol XVII; me e ayoorra siiwel ye eyoor aweewe ghatch me reepi.

Awer

Ehe

Seeiġh me Waluw Siiwel #18
Siwelil Allégh Lapalap

Au mwuschel reel siiwel kka schóól 1995 CON CON re bwungúw fengelli reel Allégh Lapalappal Commonwealth?

Rebwe siiweli allégh ye Autol XVIII: Siwelil Allégh lapalap bwe ebwe mescheregh le tingóór siwelil allégh lapalap mereel bwungur towlap llól siwelil schulapal aweeweel allégh (ebwele, siiwello fitimal rebwe fitmai pitisun we ekke tingóór

- limeigh ilet llól ebwughiw (50%) nge ebwele téétiw wóól eliigh ilet llól ebwughiw (30%) schagh mille re kke tingóór bwe ebwe siiwelló (Tálil 1); ebwele weires rebwe ayoora CON CON mereel bwungúr towlap llól siiwelil schulapal Aweeweel Allégh (esóbw mmwel reel ruweeigh me limoow ráágh (25 years), me bwe maas tééta numorool aramas reel rebwe fitmai pitison esóbw ruweeigh me limoow ilet llól ebunghiw (25%) bwe ebwele eliigh ilet llól ebunghiw (30%) (Tálil 2); atowowu bwungil Sów-bwung llól siiwelil schulappal Aweeweel Allégh (fasúl Tálil 3); atowowu bwungul Sów-bwung bwe emmwel rebwe fáffái CON CON (fasúl Tálil 2[a]); atolongei tingóórol allégh bwe Sów-bwung, gobietno me aramas rebwe schuulong le aweewe reel meeta siiwel ye re mengi rebwe ayoora llól Ppol (Convenant) (Effé Tálil 3); siiweliló lappal bwotadood reel rebwe bwungúw fengelli siiwelil allégh ebwele oleigh ilet llól ebwunghiw (60%) reel schóól affil (Tálil 4); me ebwe ayoor maas siiwel ye ebwe ffil me Autol XVIII; me e ayoora siiwel ye eyoor aweewe ghatch me reepi.

Awer

Ehe

Seigh Me Tiwoow Siiwel #19
Tippiyéew Wóól Commonwealth

Au mwuschel reel siiwel kka schóól 1995 CON CON re bwungúw fengelli reel Allégh Lapalappal Commonwealth?

Atowow ii me ruuwow, allégh ye Autol XIX: Akkapal Angaang me Autol XXII: aghikkilal Commonwealth, Ghallira me mweliyal Falúw nge raa iselilong allégh kkaal llól Autol XIX: Tippiyéewal Commonwealth: rebwe siiweliló kkapasal Amerikano ye "Official Seal" bwe ebwele "1978" reel ebwe abwááriló ráágh we e bwelletá gobietnool Commonwealth, me rebwe affataló kulodul ghallera bwe ebwe ghi mamaaw arawrawwal ye rebwe yááli wóól ghallera ewei (Marianas Trench Blue) nge aghikkilal Commonwealth ye e lo (Tálil 2), me atolongei Seipel bwe ighila igha e lo ye gobietno me Kapitol Commonwealth (Tálil 5) me e ayoora sóbwosóbwol me aweeweel ghatchúl siiwel.

Awer

Ehe